

# DECANDRIA.

## MONOGYNIA.

### 63. TRICHILIA. (*Halesia Læflingii.*)

*Frutex* ramis patulis, rectis; cortice scabriusculo, punctato.

*Folia* alterna, ternata: foliis obovatis, cuneiformibus: intermedio duplo-triplove longiore, angustiore: lateralibus magis subrotundis; omnibus integerrimis, obrusis, planis, venosis. Pedunculus communis filiformis, supra planus.

*Flores* ex summitatibus ramulorum, in racemis raris, inæqualibus; subconferti, sessiles.

*Corolla* alba.

*Capsula* grisea ex fusco & punctis albis, scabriuscula, seminibus baccatis eleganter coccineis.

**CAL.** *Perianthium* monophyllum, breve, tubulatum, o-rectum: ore obsolete quinque-dentato.

**COR.** *Petala* quinque, exserta, calyce duplo longiora, lineari-lanceolata, erecta.

**STAM.** *Filamenta* decem, linearia, basi connata. *Anthera* oblongæ, lateri interiori Filamentorum insertæ.

**PIST.** *Germen* obovatum. *Stylus* brevis. *Stigma* crassum, tridentatum (Brow.).

**PER.** *Capsula* globosa, sursum tribus sulcis notata, unilocularis, trivalvis: *Valvulis* in medio linea elevatiore notatis.

**SEM.** tria, cohærentia in globum, triplice sulco distincta; succulenta, baccata.

Variat interdum flore quadrifido octandro. Genus affine *Meliæ*, ut videtur. Filamenta descripta forte potius dicenda *Nectarla*, cujus summitatibus insident *Anthera*.

*Cumanensibus* Ceraso macho h. e. Cerasus major.

*Habitat* CUMANÆ in sylvis copiose.

---

POLY-